

مرگ داوطلبانه با کمک

مرگ داوطلبانه با کمک ده استرالایای جنوبی قانونی به.

مرگ داوطلبانه با کمک به ای معنی به که باضی کسا که خیلی زیادمریضه می تینن از داکترا کمک طلب کنن که با دوا زندگی خو ره ختم کنن.

مرگ داوطلبانه با کمک با «خودکشی» یا خودخو کشتو یک چیز نیه

قانونا ده باره مرگ داوطلبانه با کمک

قانونای زیادی درباره مرگ داوطلبانه با کمک و ای که کدام کس می تینه مرگ داوطلبانه با کمک ره طلب کنه وجود دیره.

شمو باید مرگ داوطلبانه خو ره خودشیم بخایید.

هیچ کس نمی تینه شمو ره مجبور کنه که مرگ داوطلبانه با کمک ره درخواست کنبد.

داکترا هم مجبور نین که مرگ داوطلبانه را اجرا کنه.

قانونا اطمینان میدیه که:

- مرگ داوطلبانه با کمک بی خطره.
- شمو مرگ داوطلبانه با کمک ره فقط وقتی انجام میدید که خود شیم بخایید.

بلده از ای که شمو بیتینید بلده مرگ داوطلبانه کمک بیگرید باید:

- مریضی داشته باشید که از پیشرفت شی جلوگیری شده نمی تینه
- مریضی داشته باشید که سبب رنج عاطفی، روحی یا جسمی زیاد موشه
- مریضی داشته باشید که ده کمتر از 6 ماه یا برای باضی مریضی ها کمتر از 12 ماه سبب مرگ موشه.
- زیادتر از 18 سال سن داشته باشید
- شهروند استرالیا یا مقیم دایم باشید
- در استرالایای جنوبی زندگی کنید و کم از کم 12 ماه در ای ایالت زندگی کده باشید
- بیتینید برای خود خو تصمیم بیگرید و انتخاب کنید.

شمو نمی تینید بلده مرگ داوطلبانه کمک بیگرید اگه:

- فقط یک مریضی روانی داشته باشید
- فقط یک معیوبیت داشته باشید
- نمی تینید خودشیم بلده خو تصمیم بیگرید و انتخاب کنید.
- مریض نباشید.

بلده مالومات و پشتیبانی

خدمات پشتیبانی برای مرگ داوطلبانه با کمک وجود دیره که می تینه به مریضای که مرگ داوطلبانه با کمک ره می خاین کمک کنن. اونا همچنین می تینن به خانواده، دوستا و مراقبا و داکترا ده هر مرحله مرگ داوطلبانه کمک کنن. ای خدمات پشتیبانی به مردم مالومات و کمک میدیه. شمو می تینید از طریق ایمیل و تلفون با خدمات پشتیبانی به مرگ داوطلبانه با کمک تماس بیگرین:

از روز دوشنبه تا جمعه: از ساعت 9:00 صبح تا 5:00 بعد از ظهر

ایمیل: Health.VADCareNavigators@sa.gov.au

تلفون: 390 087 0403

11 مرحله بلده مرگ داوطلبانه با کمک

1. شمو ده اول ازداکترخو بلده مرگ داوطلبانه کمک می خوایید.
2. داکتر مطمئن موشه که شمو تمام قانونا ره بلده دریافت مرگ داوطلبانه با کمک برآورده مونیید. اگر داکتر به درخواست شمو جواب رد بديه، می تینید از یک داکتر دیگه ده باره مرگ داوطلبانه کمک بخایید. اگه ای داکتر قبول کنه، او همو دکتری خاد بود که به شمو کمک مونه تا داوطلبانه بومورید.
3. یک داکتر دوم هم باید مطمئن شونه که شمو تمام قانونا ره برای دریافت مرگ داوطلبانه با کمک برآورده مونیید.
4. شمو باید ده یک فورم نوشته کنید که مرگ داوطلبانه با کمک ره می خایید. دو نفر باید شاهد باشن که شمو فورم ره پر و امضا کنید. اگه شمو نمی تینید فورم ره پر یا امضا کنید، یک کس دیگه می تینه بلده شمو نوشته کنه.
5. وقتی که فورم پر و امضا شد، باید یک دغه دیگه از داکترخو بلده آخرین دغه بلده مرگ داوطلبانه کمک بخایید. آخرین دغه که درخواست مرگ داوطلبانه با کمک مونیید فقط میتینه 9 روز پس از دغه اول که درخواست کدید باشه، مگر ای که داکتر شیم به شمو بوگیه که باید زودتر مرگ داوطلبانه را اجرا کنید.
6. شمو باید یک نفر ره به حیث "نفر تماس" انتخاب کنید. سن نفر تماس باید 18 سال یا زیادتر باشه. ای نفر به شمو کمک مونه که اگه از دواپی که بلده مرگ داوطلبانه با کمک بلده شیم دیده شده استفاده نکنید اونا ره پس بديه.
7. داکتر یک بررسی آخری ره مونه تا مطمئن شونه که شمو می تینید مرگ داوطلبانه با کمک ره دریافت کنید. مهمه که شمو بوفامید که می تینید تصمیم بیگرید که نظر خو ره تغییر بدید و ده هر مرحله ازی یازده مرحله از مرگ داوطلبانه صرف نظر کنید.
8. داکتر باید اجازه بیگره که به او اجازه بديه که بلده مرگ داوطلبانه به شمو دوا بديه. اجازه یک نامه استه که موگیه شخص اجازه دیره یک کاری ره انجام بديه.
9. دوا از دواسازی گرفته موشه.
10. شمو می تینید برای خاتمه دیدو به زندگی خو دوا ره مصرف کنید. اگر شمو نمی تینید دوا ره ده تنهایی مصرف کنید، داکتر ای کار ره بلده شمو انجام میدیه. اگر ای کار شد، یک آدم یا «شاهد» دیگه هم باید ده اونجی باشه. نفر تماس ره که انتخاب کدید باید دواپی ره که استفاده نکدید به دواساز پس بديه.
11. خانواده و دوستای شمو به داکتر شیم موگیه که شمو فوت کدید و داکتر کارایی ره انجام میدیه تا مرگ ره رسمی یا "تصدیق" کنه. تصدیق کدو به معنای ترتیب کدون یک سند رسمی استه که نشان میدیه که چیزی مطابق با قانون اجرا شده. ای سند خاد گفت که مرگ شمو به علت مریضی بوده و نه مرگ داوطلبانه با کمک.

بلده مالومات زیادتر

رسمی

شعبه برنامه های خدمات سلامت

وزارت صحت و رفاه

Health.VoluntaryAssistedDying@sa.gov.au

www.sahealth.sa.gov.au/VAD